

Sit em Erschte Juli 2007 bini bim Tierschutz Region Thun 30% ir Gschäftssteu agsteut. Mittlerwile si mir i dene Jahr geng meh Ufgabe übertreit wordä. Uf z Jahr 2015 isch mis Pensum uf 50% erhöht wordä.

Aus Leitere vor Gschäftssteu erledigeni fasch aui administrative Arbeite. Sig das Poscht u d Mails, Statistike, d Mitgliederdatei, d Buechhautig, d Chatzekastrationsaktion. Am Telefon macheni Beratige u organisiere Transporte vo Tier, Ysätz u Kontrouene mit üsne freiwiuige HäuferInne usw..

Mi cha säge bi mir loufe d Fäde rund ume Tierschutz Region Thun zäme.

Us däm Grund hüetet mängisch der Telefonbeantworter z Büro. We me mir uf z Band redt, lüte ig so bau wi müglech zrugg.

Mini Arbeit isch spannend, abwächsligrich u viusitig. Nie weisi was der Tag bringt.... Viufach sis erfreulechi Nachrichte u öppe mau mues i nume der Chopf schüttle über das wasi vernime....

Mir het einisch öpper gseit: *"Die Unvernunft der Menschheit ist grenzenlos!"* Dä Satz isch mi täglech Begleiter worde.... u trifft leider sehr hüufig zue!

I wünsche mir, dass d Mönsche ume chli meh Verstand lö la waute im Läbe..... es gieng vieles eifacher!

Rosmarie Blaser, Geschäftsstelle